



Broj: 09/A-45-390-5/25
Dana: 30.06.2025. godine

Na osnovu člana 25.Statuta Općine Centar („Službene novine Kantona Sarajevo“ , broj: 23/04 i 11/13) i člana 6. stav 6. Pravilnika o kriterijima i načinu sufinansiranja projekata ustanove socijalne zaštite u 2025.godini , broj: 09/B-11-831/25 od 11.03.2025.godine , Općinski načelnik donosi:

ODLUKU O SUFINANSIRANJU PROJEKATA USTANOVA SOCIJALNE ZAŠTITE U 2025.GODINI

U skladu sa Mišljenjem Komisije za provođenje javnog poziva za dodjelu novčanih sredstava za sufinansiranje projekata ustanove socijalne zaštite u 2025.godine, članovi navedene Komisije su pripremili prijedlog dodjele novčanih sredstava u iznosima kako slijedi:

NAZIV USTANOVE	NAZIV PROJEKTA	Odobreni iznos u skladu sa Pravilnikom
KJU „ PORODIČNO SAVJETOVALIŠTE	„ Vršnjačko nasilje – NE U MOJOJ ŠKOLI „	5.000 KM
	„ Kamp bez interneta „	5.000 KM
	„ Mala škola roditeljstva „	5.000 KM
	Organizovanje druge međunarodne konferencije	5.000 KM
		UKUPNO: 20.000 KM
JU „ TERAPIJSKA ZAJEDNICA – KAMPUS „	Nabavka opreme za vešeraj	14.215,50 KM
JU „ PAZARIĆ „	Rekonstrukcija sanitarnih čvorova u paviljonima II i III	15.000 KM
KJU „ DOM ZA DJECU BEZ RODITELJSKOG STARANJA „	„ Ljeto za pamćenje „	10.000 KM

O B R A Z L O Ž E N J E

U skladu sa članom 6. stavom 3. Pravilnika o kriterijima i načinu sufinansiranja projekata ustanova socijalne zaštite za 2025. godinu, Komisija za provođenje Javnog poziva izvršila je uvid u pristigle prijave i konstatovala sljedeće:

Na Javni poziv blagovremeno je pristiglo ukupno 9 (devet) prijava od strane 5 (pet) ustanova socijalne zaštite. KJU „ Porodično savjetovalište „ aplicirala je sa četiri projekta, JU „ Terapijska zajednica – Kampus „ sa dva projekta, dok su JU „ Pazarić „, JU „ Dom za djecu bez roditeljskog staranja“ i KJU „ Odgojni centar Kantona Sarajevo „ dostavili po jednu projektnu prijavu.

KJU „ Porodično savjetovalište „

Komisija za provođenje Javnog poziva razmatrala je sve četiri projektne prijave koje je podnijela KJU „ Porodično savjetovalište “ i odlučila ih podržati, uz djelimičnu korekciju budžeta za dva projekta. Projekti „Mala škola roditeljstva“ i „Vršnjačko nasilje –NE u mojoj školi“ ocijenjeni su kao kvalitetni, društveno korisni i u skladu s ciljevima Javnog poziva, te im je odobrena puna visina traženih sredstava. Kod preostala dva projekta – „ Kamp bez interneta “ i „Organizovanje druge međunarodne konferencije“ – Komisija je prepoznala opravdanost aktivnosti i važnost nastavka njihovog rada, ali je u skladu s raspoloživim budžetom i načelima racionalnog trošenja sredstava, izvršila korekciju traženih iznosa. Na ovaj način Komisija je iskazala podršku radu Ustanove, posebno u oblasti prevencije i edukacije, uz nastojanje da omogući održivost šireg broja projekata unutar ukupno dostupnih sredstava.

JU „Terapijska zajednica – Kampus“

KJU „Terapijska zajednica – Kampus “ aplicirala je na Javni poziv sa dva projektna prijedloga. Prvi projekat, „Nabavka opreme za vešeraj“, odnosi se na kupovinu nove veš mašine i sušilice, koje su od značajne koristi za svakodnevno funkcionisanje ustanove. Komisija je prepoznala opravdanost ovog projekta i odobrila finansijska sredstva u iznosu koji odgovara dostavljenoj ponudi, a koji je dovoljan za nabavku obje mašine. Drugi prijavljeni projekat pod nazivom „Socijalne sportske igre – Kampus 2025“ imao je za cilj unapređenje međusobne saradnje i efikasnosti među zaposlenima u ustanovama socijalne zaštite Kantona Sarajevo. Komisija je, razmatrajući prijavu, zaključila da ovaj projekat nije usmjeren ka krajnjim korisnicima ustanove, te budući da projekat ne doprinosi direktno poboljšanju uslova za korisnike, Komisija ga nije podržala i isti je u potpunosti odbijen.

JU „ Pazarić “

JU „Pazarić“ aplicirala je na Javni poziv sa projektom pod nazivom „Rekonstrukcija sanitarnih čvorova u paviljonima II i III“. Komisija je prepoznala značaj ovog projekta, imajući u vidu da se radi o ustanovi u kojoj borave djeca i omladina sa poteškoćama u razvoju, te da je unapređenje osnovnih higijenskih uslova direktno povezano sa kvalitetom njihovog svakodnevnog života. Uzimajući u obzir važnost projekta za dobrobit korisnika, kao i opravdanost planiranih troškova, Komisija je odlučila da podrži navedeni projekat i odobri maksimalan iznos sufinansiranja u visini od 15.000 KM, u skladu s odredbama Pravilnika.

KJU „Dom za djecu bez roditeljskog staranja“

KJU „Dom za djecu bez roditeljskog staranja“ aplicirala je na Javni poziv s projektom pod nazivom „Ljeto za pamćenje – osnaživanje djece bez roditeljskog staranja za vrijeme boravka na moru“. Komisija je prepoznala važnost ovog projekta s obzirom na njegovu usmjerenost ka emocionalnom i socijalnom osnaživanju djece bez roditeljskog staranja, posebno kroz iskustva koja doprinose razvoju osjećaja pripadnosti, sigurnosti i podrške. U cilju pružanja potpore ovoj izuzetno ranjivoj kategoriji korisnika, Komisija je projektu dodijelila maksimalan iznos sufinansiranja u visini od 10.000 KM, u skladu s Pravilnikom. Time se želi omogućiti realizacija aktivnosti koje će djeci barem djelimično nadomjestiti osjećaj porodičnog okruženja i sigurnosti tokom boravka na moru.

KJU „ Odgojni centar KS “

KJU „Odgojni centar Kantona Sarajevo“ aplicirala je na Javni poziv sa projektom pod nazivom „Rekonstrukcija i sanacija dva kupatila“. Nakon razmatranja dostavljene ponude, Komisija je utvrdila da ista nije u skladu sa članom 3. stav 3. Pravilnika o kriterijima i načinu sufinansiranja projekata ustanova socijalne zaštite u 2025. godini (broj: 09B-11-831/25 od 11.03.2025. godine, „Službene novine Federacije BiH“, broj 12/25), koji propisuje: „Ovisno o broju projekata koji se kvalificiraju za dodjelu sredstava potrebnih za sufinansiranje kapitalnih ulaganja ustanova, pojedini projekti će biti podržani u minimalnom iznosu od 10.000 KM, a maksimalno do 15.000 KM.“ Budući da je u dostavljenoj ponudi naveden iznos manji od minimalno propisanog za sufinansiranje prema Pravilniku, predmetna projektna prijava je odbijena.

Nakon izvršenog pregleda svih pristiglih prijava, Komisija je, u skladu sa članom 6. stav 3. Pravilnika o kriterijima i načinu sufinansiranja projekata ustanova socijalne zaštite u 2025. godini, sačinila preliminaru listu korisnika sredstava. U skladu sa članom 6. stav 5. istog Pravilnika, Komisija je utvrdila Prijedlog odluke, za koji je Služba za finansije dala pozitivno mišljenje. Navedeni Prijedlog dostavljen je Općinskom načelniku na odlučivanje, a Općinski načelnik je dao saglasnost na isti. Postupajući u skladu sa članom 6. stav 6. Pravilnika, Općinski načelnik je donio Odluku o dodjeli budžetskih sredstava.

Izrada: Nejra Čengić



OPĆINSKI NAČELNIK
Srdan Mandić

Dostaviti:

1. Komisije za provođenje javnog poziva za dodjelu novčanih sredstava za sufinansiranje projekata ustanove socijalne zaštite
2. Služba za finansije
3. Služba boračko invalidsku i socijalnu zaštitu
4. Arhiva

